

টেলিফোন : ৩৪-১৫৫২

রিপ্রোডাক্সন স্ট্রিক্টিভ

সকলকে ছাপা, পরিষ্কার ব্রক ও সুন্দর ডিজাইন



৭-১, কর্ণওয়ালিস স্ট্রীট, কলিকাতা-৬

জঙ্গিপুত্র সংবাদ

সাপ্তাহিক সংবাদ-পত্র

প্রতিষ্ঠাতা—স্বর্গীয় শরৎচন্দ্র পণ্ডিত
(দাদাঠাকুর)

চাষীভাইদের প্রকৃত বন্ধু বারিধারা-মেনন পাম্প সেট

মোট মূল্য টা: ৩৫৫৯.২৬

স্থান: অফিস—২৬/৩/এ, শহীদ সূর্য্য সেন রোড
গোরাবাজার ॥ বহরমপুর

বিশেষ আকর্ষণ

জঙ্গীপুর ও সাগরদীঘিতে কোম্পানীর মেশিন
মেরামত করিবার নিজস্ব মিস্ত্রী থাকিবে।

৫২শ বর্ষ

২২শ সংখ্যা

বৃহস্পতিবার, ২৪শে অশ্বিন, বৃধবার, ১৩৭২ সাল।

১১ই অক্টোবর, ১৯৭২

নগদ মূল্য : ১০ পয়সা

বার্ষিক ৪, সডাক ৫

ফরাঙ্কার শিল্প-কারখানা খোলার প্রাথমিক সমীক্ষা

ফরাঙ্কা ২ই অক্টোবর—ফরাঙ্কার শিল্প-নগরী খোলা সম্পর্কে পাঁচ জনের এক সমীক্ষক দল এসেছিলেন গত ৭ই অক্টোবর। উদ্দেশ্য, প্রাথমিক সমীক্ষা চালিয়ে কি ধরণের শিল্প-কারখানা খোলা যেতে পারে এখানে, তারই পরিপ্রেক্ষিতে সরজমানে দেখে-শুনে প্রাথমিক পর্যায়ে একটি রেখ-চিত্র তৈরী করা। দলে ছিলেন মুর্শিদাবাদের জেলা ম্যাজিস্ট্রেট শ্রীকালীপদ ঘোষ, পশ্চিমবঙ্গের শিল্প ও বাণিজ্য দপ্তরের শ্রীএস, কে, রায়, ইণ্ডাস্ট্রিয়াল ডেভেলপমেন্ট কর্পোরেশনের মানেজিং ডাইরেক্টর, মুর্শিদাবাদ ইনস্টিটিউট অব টেকনোলজির প্রিন্সিপ্যাল এবং আরও একজন উচ্চপদস্থ সরকারী কর্মচারী। এক প্রশ্নের উত্তরে শ্রীরায় জানালেন, আগামী নভেম্বর-ডিসেম্বরেই সমীক্ষা-রিপোর্ট সরকারের কাছে দাখিল করার নির্দেশ আছে। তাঁরা দেখে গেলেন এখানকার সেন্ট্রাল ওয়ার্কশপ, পুরনো রেল-ইয়াড এলাকা এবং আরও দখলীকৃত জমি, যা অব্যবহৃত অবস্থায় পড়ে আছে। শ্রীরায় আরও জানান, শিল্প-নগরীতে পরিণত করার জন্তু ফরাঙ্কাকে নির্বাচিত করা হয়েছে। এখানে অবশ্যই শিল্প-কারখানা খোলা হবে, তবে ঠিক কি ধরণের, সেটি একটি উচ্চ ক্ষমতাসম্পন্ন টেকনিক্যাল কমিটি নিযুক্তির পর তাঁদের রিপোর্ট অনুসারে ব্যবস্থা অবলম্বিত হবে।

ভাগীরথী ‘.....শুকায়ে যায়, করুণাধারায় এসো’

ফরাঙ্কা—আগামী ১৯৭৪ সালের গোড়ার দিক ছাড়া, তার পূর্বে ফরাঙ্কা প্রকল্পের ফীডার ক্যানালের মাধ্যমে গঙ্গার জল ভাগীরথী নদীতে সরাসরি চালিয়ে দেয়া সম্ভব হচ্ছে না, এ কথা জানিয়েছেন ফরাঙ্কা প্রকল্পের কারিগরী উপদেষ্টা সমিতির ইঞ্জিনিয়ার মদন। গত ৫ই অক্টোবর এখানে ঐ সমিতির একটি বৈঠক বসেছিল। এই সমিতির গুরুত্বপূর্ণ সিদ্ধান্তের উপরই প্রকল্পের যাবতীয় কাজ করা হয়েছে এবং সবুজ সংকেত পেলে তবুই কাজে এগিয়ে যাওয়া হয়। এবারের আলোচ্য সূচীর মধ্যে প্রধান ছিল দুটি—একটি আপ স্ট্রিম লকের কাজ সম্পর্কে এবং দ্বিতীয়টি ব্যারেজের টেসলার-গেট নিয়ন্ত্রণের ফলাফল সম্পর্কে। আপ স্ট্রিম লকের কাজ আগামী ১৯৭৫-৭৬ সালে সমাপ্তির কথা আছে। খরচা ছ কোটি টাকা। দৈর্ঘ্য পাঁচশো ফীট।

আগামী মরশুমে ক্যানালের কাজ সম্পন্ন আশা করলেও আহিরণের কাছে রেল এবং জাতীয় সড়কের নতুন পথে পরিক্রমা ১৯৭৩ সালের নভেম্বরের পূর্বে শুরু হচ্ছে না। ফলে ঐ দুটির পুরনো সংযোগস্থল কাটা না পড়লে ভাগীরথীতে গঙ্গার জল অচল বলে জানা গেছে।

বিদ্যুৎ বিভ্রাটে বিপর্যস্ত জনজীবন

গত সাতদিন ধরে প্রায় যখন-তখন সময়ে-অসময়ে বিদ্যুৎ সরবরাহের বিরক্তিকরক বিভ্রট ঘটে চলেছে এই শহরে। দোকানপাটগুলিতে যখন ক্রেতা বিক্রেতাদের কেনা-বেচার কাজ শুরু হয়েছে ঠিক তখনই ঘটে চলেছে বিদ্যুতের এখন-তখন-বিপর্যয়। এই বিপর্যয়ের বলি হয়েছে দোকানপাট, ছোট-বড় শিল্প মংস্থা, ব্যবসা-বাণিজ্য। নিদারুণ দুর্গতির সন্মুখীন হয়েছে অফিস-আদালত এবং সাধারণ জনজীবন। রাজ্য বিদ্যুৎ পরিষদের নিতানব নব কৌতুক চলেছে জনজীবনের উপর। কখনও সামগ্রিকভাবে কখনও আঞ্চলিকভাবে। পূজোর মুখে বিদ্যুৎ সরবরাহের এই বিভ্রান্তিকর বার্থতা মহকুমার বাণিজ্যিক অর্থনীতিতে যে এক নিদারুণ আঘাত করে চলেছে তাতে সন্দেহ নাই। সেই সঙ্গে বেদনাদায়ক অচল অবস্থার সৃষ্টি হয়েছে হাসপাতালের গুরুত্বপূর্ণ কার্য ব্যবস্থায়। জনজীবনের এই দুঃসহ দুর্গতি সৃষ্টির এমন অদ্ভুত প্রয়াস—রাজ্য বিদ্যুৎ পর্ষদ আরও কতদিন চালিয়ে যাবেন সে প্রশ্ন আজ দুর্গত জনগণের ?

১৬ জন সত্যগ্রহীর কারাবরণ

সাগরদীঘি, ৩রা অক্টোবর—আজ দুপুরে সি. পি. আই-এর নেতৃত্বে প্রায় একশ জনের একটি মিছিল খাওয়ারঘরের মূল্যবৃদ্ধির প্রতিবাদে বিভিন্ন বকমের ধ্বনি দিতে দিতে উন্নয়ন মংস্থা অফিসে বিক্ষোভ প্রদর্শন করেন। তাঁদের মধ্যে ১৬ জন স্বৈচ্ছাসেবক পুলিশ বেটনীর ভেদ করার চেষ্টা করলে তাঁদেরকে গ্রেপ্তার করা হয় এবং ‘প্রিজন-ভ্যানে’ করে জঙ্গিপুত্র আদালতে পাঠিয়ে দেওয়া হয়।

সৰ্বভোয়া দেবেভোয়া নমঃ।

জঙ্গিপুৰ সংবাদ

২৪শে আশ্বিন বুধবার সন ১৩৭২ সাল।

দেবি প্রসাদ পরিপালয় নোহরিভীতেঃ

মহাপূজার প্রাক্কালে আমাদের পাঠকবর্গের সঙ্গে মিলিত হইবার সুযোগ আসিয়াছে। আমরা সকলের অমলিন আনন্দ কামনা করিতেছি।

মা দশভুজা, কখনও অষ্টাদশভুজা, কখনও বা সহস্রভুজা হইয়া অখিল জগৎ পরিপালনার্থে, অশুভ ভয় নাশের জন্ত অবতীর্ণ হন। দৈত্যদলনিসুদিনী, নারায়ণী। সর্বজীবের ও তত্ত্বসমূহের পরমাশ্রয়। কিন্তু ব্যক্তি ও জাতির ক্ষেত্রে আজ কত যে সমস্যা! মাতৃপূজার মহাক্ষেণে তিনি সঙ্গে লইয়া আসিয়াছেন সিদ্ধিরূপী গণেশ, ঐশ্বর্যরূপিণী লক্ষ্মী, জ্ঞানরূপিণী সরস্বতী ও বলবিক্রমরূপী কার্তিকেয়কে। অশুভরূপী অসুরকে তিনি দলিত করিতেছেন। তাহার প্রতি তিনি অকুটিকুটিল দৃষ্টিপাত করিতেছেন। তাই তিনি মহাশক্তি। কিন্তু আজ কোথায় সিদ্ধি, কোথায় সমৃদ্ধি, কোথায় জ্ঞানচর্চা ও বিক্রমের পরিচয়?

১৩৭৮-এ মা আসিয়াছিলেন বঙ্গার তাণ্ডব, অতিবর্ধনের অশ্রুতে। এবারে তিনি আসিতেছেন প্রচণ্ড অগ্নিস্রাবী খরা লইয়া। তাহার এই আগমনও অশ্রুঝরা। চতুর্দিকে ব্যাপক অনাবৃষ্টি—শস্ত্রহানি। দেবী বলিয়াছেন :

ততোহহমখিলং লোকমাঅদেহসমুদ্ভবৈঃ।

ভবিষ্যামি সুরাঃ শাকৈরারুষ্টেঃ প্রাণধারকৈঃ ॥

শাকন্তরীতি বিখ্যাতিং তদা যাস্তামাহং ভুবি।

তত্রৈব চ ভবিষ্যামি দুর্গমাখ্যং মহাসুরম্ ॥

দেবী নিজদেহজাত প্রাণধারক শাকপত্রাদি দ্বারা বৃষ্টি না হওয়া পর্যন্ত সমস্ত জগৎ পালন করিবেন। তিনি শাকন্তরী নামে পৃথিবীখ্যাতা হইবেন। এই অবস্থায় তিনি দুর্গম নামধেয় মহাসুরকে বধ করিবেন।

বুঝিলাম। তাই এবারের অনাবৃষ্টি ও শস্ত্রহানি। অতএব শাকপাতা খাইয়া জীবন বাঁচানর প্রশ্ন আসিয়া গিয়াছে। কিন্তু পশ্চিমবঙ্গের কয়েক কোটি লোক শাকপাতা খাইতে আরম্ভ করিলে, রাজ্যের বৃক্ষাদি তাহা কতদিন সরবরাহ করিতে পারিবে হইহই প্রশ্ন। দেবী বলিয়াছেন, দুর্গম অসুরকে বধ করিবেন। সে অসুরের সন্ধান নিশ্চয়ই মিলিবে। কেন না, এবারে যে বছরে দেবীর অর্চনা হইবে, তাহাতে উক্ত অসুরকে খুঁজিতে তাঁহার বিলম্ব হওয়ার কথা নয়।

বস্ত্রের, পোষাকের মূল্য গত বৎসরের তুলনায় দেড়গুণ বাড়িয়াছে। আর বাড়িয়াছে নিত্য অপরিহার্য ভোগ্যপণ্যের দাম। মা আসিতেছেন—কণ্ঠা আসিতেছেন—দেবী আসিতেছেন। একটু মিষ্টিমুখ করাইয়া ছাটি মিষ্টি, কথা বলিয়া আবার তাঁহাকে ‘সংবৎসরে ব্যতীতে তু পুনরাগমনায় চ’ বলিব। সে মিষ্টিমুখ করাইতে হইবে না। চিনি আজ চিনি না। দোকানের গুড় চোখের জলে লবণাক্ত হইতেছে।

এই মহাপূজা বাঙ্গালীর এক বিরাট মাতৃদায়। নূতন সরকারের আমলে নূতন উৎসাহ উদ্দীপনা নিশ্চয়ই পরিলক্ষিত হইবে এই পূজায়। কিন্তু সাধারণ মানুষ সে উৎসাহের প্রেরণা পাইতেছেন কি? বাঙ্গালী সিদ্ধিদাতা গণেশের অর্চনা করিবেন, সিদ্ধি পাইবেন না; ঐশ্বর্যরূপিণী লক্ষ্মীর আহ্বান জানাইবেন ঐশ্বর্যহীন বাংলায়; জ্ঞানদায়িনী সরস্বতীকে পুষ্পাজলি দিবেন, জ্ঞানের উন্মেষ ঘটবে না; বলরূপী কার্তিকেয়কে বরণ করিবেন নিঃস্ব-বল হইয়া; মহাশক্তিকে উপচার নিবেদন করিবেন মহানৈরাশ্রের মধ্য দিয়া।

ইহাতেও আনন্দ পাইবেন বাঙ্গালী। কেন না তিনি মাতৃসাধক। শিব-শক্তি সাধনার পীঠভূমি এই বাংলা শত বিপর্যয়েও নীরব থাকিতে পারে না। বাঙ্গালীর কণ্ঠে মায়ের প্রতি সন্তানের আকৃতি জাগিবে—

প্রসাদং কুরু মে দেবি দুর্গে দেবি
নমোহস্ততে।

দুর্ভূতপনার চূড়ান্ত রূপ

নিমতিতা, ২৫শে সেপ্টেম্বর—গত ২১-২-৭২ তারিখে স্ত্রী খানার অন্তর্গত সরলা কিশোরপুর গ্রামে রাত্রি প্রায় ১২টা নাগাদ একদল ছুফ্তকারী চমৎকার দাস ও হরেন মণ্ডলের বাড়ী চড়াও করে ১২/২০ মণ ধান লুট করে নেয় ও বাড়ীর অগ্নাশ্রদের উপর মারধর করে। তাদের চীৎকারে গ্রামের লোক জেগে গিয়ে ছুর্ভূতদের তাড়া করে। অল্পক্ষণ পরে ছুর্ভূতরা আবার দলে ভারী হয়ে এসে গ্রামবাসীদের উপর বেধড়ক অত্যাচার করে। এই ব্যাপারে উক্ত গ্রামের লোক ঘরবাড়ী ছেড়ে অগ্নত্র পালিয়ে যায়। এখন পর্যন্ত তারা বাড়ী ফিরে আসতে পারে নি। ঘটনার বিবরণে প্রকাশ, এই ঘটনা কিছু জমির ধান কাটাকে নিয়ে সৃষ্টি হয়। এই ব্যাপারে মহকুমার এস. ডি. ও মহোদয়ের দৃষ্টি আকর্ষণ করা হচ্ছে যাতে অবিলম্বে উক্ত এলাকায় শান্তি ফিরে আসে।

প্রাথমিক শিক্ষকদের বিশেষ সুযোগ

৬০ বছর পূর্তির পরে যে সব প্রাথমিক শিক্ষক (Superannuation period)-এ ৫ বছর কাজ করতেন তাঁরা সরকার থেকে কোন নতুন বেতন, ভাতা, P. F. কিছুই পাচ্ছিলেন না। কিন্তু সারা বাংলা শিক্ষক (প্রাঃ) সমিতির চাপে সরকার এই সব সুযোগ ঐ ধরনের শিক্ষকদের দিতে বাধ্য হয়েছেন। প্রকাশ থাকে যে, সরকার ১৯৬২-এর ১লা মার্চ থেকে এই আইন চালু করেছেন। অর্থাৎ ধারা '৬২ থেকে বর্ধিত সময়ে কাজ করে আসছেন তাঁরা এই আওতায় পড়বেন।

দরবেশপাড়া বারোয়ারী শ্রীশ্রীদুর্গা ও লক্ষ্মী-মাতার ১৩৭৮ সালের পূজার আয়ব্যয়ের হিসাব

মোট আদায়কৃত টাকা ২২২.২৫ মণ্ডপ, প্রতিমা ও পূজা উপকরণ বাবদ মোট খরচ টা. ৮৭২.২৭, উদ্ভূত—৪২.২৮।

সম্পাদক,

স্বাক্ষর—শ্রীচিত্তরঞ্জন দাস ও শ্রীচিত্ত মুখার্জী

“জঙ্গিপুৰ সংবাদে”র গ্রাহক, পাঠক ও বিজ্ঞাপনদাতাগণের নিকট আমাদের নিবেদন—আমরা বর্তমানে আমাদের প্রাপ্য দুই মণ্ডাহের অবকাশ না লইয়া সময়ান্তরে গ্রহণ করিব।

সম্পাদক—‘জঙ্গিপুৰ সংবাদ’

মৃত্যু অখাঙে—কুখাঙে

নিমতিতা, ২০শে সেপ্টেম্বৰ—গত ১৭/৯/৭২ তারিখে নিমতিতা অঞ্চলের শিবনগর গ্রামের কেতাবুদ্দিন সেখ ও কামালপুর গ্রামের মহাঃ তেহু সেখ দীর্ঘদিন অর্দ্ধাধারে অনাহারে থাকার পর মারা গিয়াছে। আজ পর্যন্ত এই খানায় ১২ জন মানুষ না খাইয়া মারা গিয়াছে। তাহা ছাড়া এই স্থলী সমসেরগঞ্জ অঞ্চলে যক্ষ্মা রোগের খুব প্রাচুর্য দেখা যাইতেছে। প্রায় শতকরা ৪০ জন লোক দীর্ঘদিন অখাঙে-কুখাঙে ও অনাহারজনিত অবস্থায় এই রোগে আক্রান্ত হইয়া পড়িতেছে। এই এলাকা বিড়ি শিল্প প্রধান। পুষ্টিকর খাওয়া তুই দূরে থাক ছুবেলা তুমুঠো ছুনভাত খাওয়ার সংস্থান ৭৫% লোকের নাই। দীর্ঘদিন এই অবস্থা চলিতে থাকিলে আশংকা করা হইতেছে যে, এই মহকুমার সাধারণ খেটে খাওয়া চাষী-শ্রমিকদের অবস্থা ভয়াবহ আকার ধারণ করিবে।

খোদা দিল তো

জোলায় দিল না

নিমতিতা, ২০শে সেপ্টেম্বৰ—বিশেষ সূত্রে জানা গিয়েছে যে মুর্শিদাবাদ জেলায় যে ৩২৫টি স্কুল গত ২৯/৯/৭২ তারিখে শিক্ষা উপদেষ্টা কমিটি মঞ্জুরী জ্ঞ D. P. I. এর নিকট প্রেরণ করেছেন তা নাকি সম্পূর্ণ জনস্বার্থ বিরোধী ও একপেশেমির নামান্তর। ঘটনার বিবরণে প্রকাশ যে, এই জেলায় '৭১ সাল পর্যন্ত প্রায় ৪০০টি অননুমোদিত বিদ্যালয় ছিল। কিন্তু '৭২ সালে এর সংখ্যা আলাদিনের আশ্চর্য্য প্রদীপের মত ৬০০ শোয় পৌঁছায়। খুব আশ্চর্য্যের বিষয় যে, যে সকল বিদ্যালয় মঞ্জুরী জ্ঞ পাঠান হয়েছে তার ভেতর আলাদিনের প্রদীপের স্কুলগুলোয় নাকি মঞ্জুরী ব্যাপারে সংখ্যাধিক্য লাল করেছ। এমতাবস্থায় সংগঠক শিক্ষক ও জনসাধারণের ভেতর তীব্র অসন্তোষ দেখা দিয়েছে। যা হোক এ ব্যাপারকে কেন্দ্র করে সরকারপক্ষীয় কোন এক শিক্ষক সমিতি এ হেন একতরফা নীতির প্রতিবাদ জানিয়ে হাইকোর্টে ইনজাংকসান্ করতে (স্কুল-গুলোর উপর) চলেছে। উপরোক্ত ঘটনা এটাই প্রমাণ করে যে, হয় সরকারপক্ষের এটা অন্তর্কোন্দল

না হয় অর্থাভাবে দক্ষ শিখিয়ে পড়িয়ে পেটুয়া সমিতির মারকং হাজার হাজার বেকার ছেলেদের (সংগঠক শিক্ষক) জীবন ও জীবিকা নিয়ে ছিনিমিনি খেলা।

ইনফ্লুয়েঞ্জায় ১ জনের মৃত্যু

মাগরদীঘি, ২৫শে সেপ্টেম্বৰ—গত শুক্রবার নবগ্রাম খানার আইড়া গ্রামের শ্রী অরুণকুমার মিত্র (১৮) ইনফ্লুয়েঞ্জায় আক্রান্ত হয়ে মারা যান। তিনি বহরমপুর কৃষ্ণনাথ কলেজ থেকে এবার বি, এম, সি (কেমিষ্ট্রিতে অনার্স) পারট ওয়ান পরীক্ষা দিয়েছিলেন।

প্রসঙ্গতঃ উল্লেখযোগ্য চলতি খবার মরসুমে মাগরদীঘি এবং নবগ্রাম খানা এলাকায় এই জ্বর ব্যাপকভাবে ছড়িয়ে গিয়েছে। শতকরা ২০ জন লোকই এই রোগে আক্রান্ত হয়েছেন। অবিলম্বে স্বাস্থ্য দফতরের এই অঞ্চলে প্রতিষেধক ব্যবস্থা গ্রহণ করা দরকার।

রেশন ডিলারের পরিণতি

বাহাগলপুর, ৩রা অক্টোবর—স্থিতি ২নং ব্লকের বাহাগলপুরের রেশন ডিলার মনিরুদ্দিন মুন্সী গত প্রায় ২ বৎসর যাবৎ রেশন দ্রব্য লইয়া নানারূপ কারচুপি চালাইতেছিল। সে গ্রামবাসীদের কাছে রেশন দ্রব্যাদি চড়া দবে বিক্রয় করিতেছিল এমন কি কোনওরূপ কাশ মেমো পর্যন্ত দিতেছিল না। গত ৬ই সেপ্টেম্বর এখানকার কিছু উৎসাহী যুবক গ্রামবাসীদের সাহায্যে এই অত্যাচার কার্যের প্রতিবাদ জানায় এবং এই কার্যের প্রতিবাদলিপি মাননীয় খাতমন্ত্রী, ডিষ্ট্রিকট কন্ট্রোলার এবং সাবডিভিসনাল কন্ট্রোলার সমীপে প্রেরণ করা হয়। এই অভিযোগের পরিপ্রেক্ষিতে গত ২২শে সেপ্টেম্বর সংশ্লিষ্ট কর্তৃপক্ষ গ্রামে আসেন এবং সরেজামন তদন্ত করেন। পরে মনিরুদ্দিন মুন্সীর লাইসেন্স খারজ করিয়া দেন। ঐ ডিলার কোন প্রয়োজনীয় কাগজপত্র দেখাইতে পারে নাই। গুদামে ১২৬ কেজি চাল কম পাওয়া যায়।

জল নিয়ে সংঘর্ষ

৪ জন আহত, ১ জন গ্রেপ্তার

মাগরদীঘি ২৭শে সেপ্টেম্বৰ—সম্প্রতি পোপাড়া গ্রামে পাকা সড়কের পাশে সেচের জল নিয়ে এক সংঘর্ষে গুলজার হোসেন, আবুজার হোসেন, হাবিবুর সেখ, সামসুল হোদা আহত হন। পুলিশ এ সম্পর্কে হায়দার হাজী সহ ২ জনকে গ্রেপ্তার করেন।

প্রকাশ, অগ্নিসংযোগের অভিযোগে হায়দার হাজী গত ২২শে জুন চার বৎসর সশ্রম কারাদণ্ডে দণ্ডিত হন এবং ঐ রায়ে বিরুদ্ধে হাইকোর্টে আপীল করার সম্প্রতি জামিনে মুক্তি পান এবং সেই আক্রমণে জলসেচের সময় আহত চারজনকে আক্রমণ করেন। বর্তমানে নয়জনই জামিনে মুক্ত আছেন।

মৃতদেহ উদ্ধার

মাগরদীঘি, ২৭শে সেপ্টেম্বৰ—গত ২০শে সেপ্টেম্বর পুলিশ বোখারার একটি ক্যানেলের কালভার্ট থেকে গলায় দড়ি লাগানো অবস্থায় একটি যুবকের মৃতদেহ উদ্ধার করে। যুবকটির নাম আজিজুর রহমান (২৫)। পুলিশ এবং গ্রামবাসীদের সন্দেহ শ্রীরহমানকে প্রথমে গলা টিপে শ্বাসরোধ করে হত্যা করা হয়েছে এবং পরে গলায় দড়ি লাগিয়ে কালভার্টের সঙ্গে ঝুলিয়ে দেওয়া হয়েছে—যাতে করে এই ঘটনাকে একটি সাধারণ আত্মহত্যার ঘটনা বলে সকলে মনে করে।

দুরন্তের গুলিতে আহত

ফরাক্কা, ৯ অক্টোবর—গত ৭ অক্টোবর গভীর রাতের এক সশস্ত্র ডাকাতিতে সূজাপুর দিয়াড়ার শ্রীকান্ত মণ্ডল ডাকাতির গুলিতে প্রাণ হারিয়েছে বলে খবর এসেছে। স্থানটি ফরাক্কার গঙ্গার পূর্ব পারে। ডাকাতেরা খোঁজে ছিল হেমন্ত মণ্ডলের বাড়ীর। ভুল করে ঢোকে বাঘা মণ্ডলের বাড়ীতে। খোঁজ নিতে বেরোয় টর্চ হাতে পড়সী শ্রীকান্ত। গুলি খায় সে। বাঘা এবং তার ছেলে দেশজ অস্ত্রে আহত। খোঁয়া গিয়েছে হাজার টাকা সর্বশাকুল্যে।

কান্দী মহকুমা হাসপাতালে অব্যবস্থা ও মহকুমা হেলথ অফিসাৰেৰ ক্ৰিয়াকলাপ সম্পৰ্কে ভাৰতীয় চিকিৎসক সমিতি, কান্দী শাখা-ৰ সম্পাদকেৰ বিবৃতি

বৎসৰখানেক আগে কান্দী মহকুমা হাসপাতাল, —গিৰিশচন্দ্ৰ হাসপাতাল'এৰ লাশকাটা ঘৰেৰ দুটি জানালা চুৰি যায়। ঘৰটিৰ দৰজাৰ শিকল বন্ধ কৰা যেত না। পোষ্টমৰ্টেম পরীক্ষাৰ অব্যবহিত পৰে মৃত্যেৰ আত্মীয় বন্ধুৱা মৃতদেহেৰ দখল না নিলে মৃতদেহ সরকারী হেফাজতে থাকাকালীনই শৃগাল কুকুৰে খেয়ে যেত। দাবীদাৰহীন মৃতদেহ লাশকাটা ঘৰেৰ উত্তৰ দিকে একটি পুকুৰ পাড়ে খোলা জায়গায় কেলে রাখা হত। সংশ্লিষ্ট অঞ্চলেৰ অধিবাসীৱা এ সম্বন্ধে অভিযোগ কৰেও কোন প্ৰতিকার পাননি।

শোনা যেত যে, পোষ্টমৰ্টেম পরীক্ষাৰ পৰে মৃতদেহ হাসপাতাল থেকে ফেরত নিতে হ'লে মৃত্যেৰ সেলাই খৰচা বাবদ টাকা দিতে হয়। তিন বৎসৰ পূৰ্বে ভাৰতীয় চিকিৎসক সমিতিৰ কান্দী শাখা সংশ্লিষ্ট বিষয়টিৰ প্ৰতি উৰ্দ্ধতন কর্তৃপক্ষেৰ দৃষ্টি আকৰ্ষণ কৰেন।

গত এপ্ৰিল মাসে ভাৰতীয় চিকিৎসক সমিতিৰ কান্দী শাখাৰ প্ৰতিনিধিদল কান্দী মহকুমা হাসপাতাল, কান্দী মহকুমাৰ স্বাস্থ্যকেन्द्रসমূহ এবং কান্দী মহকুমাৰ স্বাস্থ্য বিভাগেৰ বহুবিধ দুৰ্নীতিৰ প্ৰতিকারে, বহুবিধ উন্নতিৰ প্ৰয়াসে রাষ্ট্ৰমন্ত্ৰী শ্ৰীঅতীশচন্দ্ৰ সিংহ, জেলা শাসক শ্ৰীকালীপদ ঘোষ, চীফ মেডিক্যাল অফিসাৰ অফ হেলথ ডাঃ চিত্তৰঞ্জন ৰায় এবং মহকুমা শাসক শ্ৰীৰমময় মালাকাৰেৰ সহিত আলোচনা কৰেন। স্থানীয় প্ৰশাসনিক কর্তৃপক্ষেৰ সহযোগিতায় লাশকাটা ঘৰটি মেৰামত কৰা হয়েছে। তদন্তেৰ পৰে বে-আইনীভাবে অৰ্থ আদায়েৰ অভিযোগে শাস্তিমূলক ব্যবস্থা গ্ৰহণ কৰা হয় এবং বৰ্তমানে অপর একজনকে নিয়োগ কৰা হয়েছে।

কান্দী মহকুমাৰ হেলথ অফিসাৰ এবং তাঁৰ অধীনস্থ বিভাগ সম্বন্ধে অযোগ্যতাৰ, স্বজন পোষণ, অকৰ্মণ্যতা, দুৰ্নীতি প্ৰভৃতিৰ নিৰ্দিষ্ট অভিযোগ ভাৰতীয় চিকিৎসক সমিতিৰ কান্দী শাখা সংশ্লিষ্ট

সকল কর্তৃপক্ষেৰ নিকট কৰেছেন। মহকুমা স্বাস্থ্য বিভাগেৰ কম্বী, বেসিক হেলথ ওয়াৰ্কাৰা (বি, এইচ, ডবলিউ) ম্যালেরিয়া উচ্ছেদ পৰিকল্পনা যাতে সাৰ্থক অবস্থায় থাকে এই কাৰণেই প্ৰতিমাসে, প্ৰতি বাড়ীতে, প্ৰতি পৰিবাৰে একবাৰ কৰে স্বাস্থ্য-বিষয়ক সংবাদ সংগ্ৰহেৰ জন্ত, টিকাদান প্ৰভৃতি কাজেৰ জন্ত যাবেন ইহাই তাঁদেৰ নিৰ্দিষ্ট ডিউটি। এই ডিউটি পালনেৰ জন্ত প্ৰতি বি, এইচ, ডবলিউ এৰ নিজস্ব এলাকা ভাগ কৰে দেওয়া আছে। পূৰ্ব নিৰ্দ্ধাৰিত কৰ্মসূচী অনুসাৰে প্ৰত্যহ নিৰ্দিষ্ট সংখ্যক বাড়ীতে এঁদেৰ কাজ কৰাৰ কথা। বাড়ী পৰি-দৰ্শনেৰ তাৰিখ ও নিজ সহি দেবেন। অভিযোগে প্ৰকাশ, যে কান্দী মহকুমাৰ বহু বি, এইচ, ডবলিউ “বিশেষ বন্দোবস্তেৰ” কল্যাণে কাজ না কৰেই মাংসেৰ পর মাস ৰিপোর্ট কৰেছেন, “কাজ কৰে যাচ্ছেন”। ভাৰতীয় চিকিৎসক সমিতিৰ কান্দী শাখা নমুনা-উদাহৰণস্বরূপ কান্দী পৌৰসভাকে তুলে ধৰেন। এখানে দু'জন বি, এইচ, ডবলিউ নাকি কাজ কৰেন। সমগ্ৰ শহৰবাসীৰ ক্ষুদ্ৰ ভগ্নাংশ ছাড়া আৰ কেউ সম্ভবতঃ স্মরণই কৰতে পাৰবেন না সংশ্লিষ্ট বি, এইচ, ডবলিউদেৰ কেউ কখনও তাঁদেৰ বাড়ী এসেছেন। দেওয়ালেৰ লিখন তো দূৰেৰ কথা। শহৰেৰ একটি অংশে বেশ কিছুদিন যাবৎ স্থানীয় কর্তৃপক্ষেৰ খেয়াল না হওয়াতে কোন বি, এইচ, ডবলিউকেই কাজ কৰতে নিৰ্দেশ দেওয়া হয়নি।

কান্দী মহকুমা হেলথ অফিসাৰেৰ গত মাৰ্চ মাসে দেওয়া কয়েকটি বদলিৰ আদেশ পৰ্যালোচনা কৰলে স্বজন-পোষণ, নীতিহীনতা প্ৰভৃতি বহুবিধ গলদ নগ্নৰূপে প্ৰকাশ হয়ে পড়ে। সংশ্লিষ্ট বি, এইচ, ডবলিউ জনৈকা মহিলা শ্ৰীমতী গীতাৰাণী সেন তাঁহাৰ ৭৪৭২ তাৰিখেৰ আবেদনে জেলা সি, এম, ও এইচ মহোদয়েৰ নিকট সুস্থপ্ৰভাবে অভিযোগ কৰেন, “যেহেতু কান্দী, এস, ডি, এইচ ও মহোদয়েৰ আদেশগুলি পক্ষপাতবৃত্তি, কিছু অনুগ্রহ-

ভাজন ব্যক্তিকে স্তবিধা দেওয়াৰ জন্ত দেওয়া জনস্বাস্থ্য ৰক্ষাহেতু দেওয়া নয়, সেই হেতু বৰ্তমান আদেশটি বাতিল কৰিতে অনুৰোধ কৰিতেছি . .।”

সি, এম, ও, এইচ মহোদয় নিজে ২১৪৭২ তাৰিখে কান্দী এসে তদন্ত কৰে পূৰ্বকাৰ সমস্ত বদলিৰ আদেশ বাতিল কৰেন ও শ্ৰীমতী সেনেৰ আবেদন মঞ্জুৰ কৰেন।

নদীবক্ষে মাছধৰাকালীন

১৫ জন ভাৰতীয় মৎস্যজীবী; ৪টা নৌকা ও “জগৎবেৰ জাল” সমেত বাংলাদেশেৰ সীমান্ত-বাহিনী কর্তৃক ধৃত

নিমতিতা (মুশিদাবাদ), ৪ঠা অক্টোবৰ - গত ২৩শে সেপ্টেম্বৰ বেলা ১০ টাৰ সময় জঙ্গিপুৰ মহকুমাৰ বেংগাপুৰ চৰেৰ নিকটবৰ্তী পদ্মাবক্ষে যখন বাংলাদেশ হতে আগত ১৫ জন মৎস্যজীবী ৪টা নৌকা নিয়ে জগৎবেৰ জালে (৪০০ হাত লম্বা) ইলিশ মাছ ধৰছিল, তখন প্ৰবল ঝড়ে ও শ্ৰোত্ৰেৰ বেগে নৌকাৰ গতি সামলাতে না পেৰে বাংলাদেশ সীমান্তে তাৰাপুৰ ক্যাম্পেৰ নিকটে নাকি এসে পড়ে। তৎক্ষণাতঃ বাংলাদেশ সীমান্ত-বাহিনী ১৫ জন মৎস্য-জীবীকে গ্ৰেপ্তাৰ কৰে ও জাল সমেত নৌকা ৪টিকে আটক কৰে। ১৫ জনেৰ মধ্যে ২ জন মৎস্যজীবী জলে ঝাঁপ দিয়ে পালিয়ে যায়। ১৩ জনেৰ মধ্যে বুড়া ও শিশু ৬ জনকে মুক্তি দেয়। অবশিষ্ট ৭ জনকে শিবগঞ্জ থানায় চালান দেয়। সেখানে ১ জনকে মুক্তি দিয়ে বাকী ছয় জনকে নবাবগঞ্জ চালান দেওয়া হয়েছে। বাংলাদেশ হওয়াৰ পর এই জাতীয় ঘটনা এতদঞ্চলে ঘটেনি।

কলকাতায় টানা ৰিক্সাৰ বদলে অটো-ৰিক্সা

ছ'মাসেৰ মধ্যে ৰাজ্য সরকার কলকাতা শহৰ থেকে টানা ৰিক্সা তুলে দিতে চান। টানা ৰিক্সাৰ বদলে অটো-ৰিক্সা চালু কৰা তাঁদেৰ উদ্দেশ্য। এজগ্ৰ প্ৰয়োজনীয় ব্যবস্থাদি নেওয়া হছে। কলকাতায় টানা ৰিক্সাৰ সংখ্যা দশ হাজাৰেৰ ওপৰ। অনেক ৰিক্সা আবার একাধিক শিফটে চলে। সে হিসাবে টানা ৰিক্সায় নিযুক্ত লোকেৰ সংখ্যা পনেৰ-বিশ হাজাৰেৰ মত হবে।

জবাব দে মা

(দা' ঠাকুর)

গুটি কত কথা আমি

মা দুর্গা, আজ শুধাই তোরে—

তুই ছাড়া আর কেউ জানে না,

বলবি কি মা সত্যি ক'রে ?

ব্রহ্মা যুগে রামের সীতা

রাবণ রাজা করলো হরণ,

সেই রাবণে বধ করিতে

পূজলো শ্রীরাম তোর শ্রীচরণ।

শোনা কথা—দেখিনি মা,

বলছি এ সব অনুমানে—

পদ্ম আনার ভার না কি রাম

দিয়েছিলেন হনুমনে ?

এক পদ্ম তার কমতি হওয়ায়

রামচন্দ্র শুনি নাকি—

নীলপদ্মের অনুকল্পে

দিতে চেয়েছিলেন আঁখি ?

এখন পূজার উপচারে

অভাব হ'লে কোনও রকম,

কষ্টলভ্য সকল দ্রব্য

অনুকল্পেই গন্ধোদকম্।

কবে হ'তে তোর পূজোতে

চলতি হ'লো এমন বিধি—

তত্ত্ব যে তোর করছে পূজো

বাহাল ক'রে প্রতিনিধি ?

(যদি বলো) মন্ত্র তন্ত্র সংস্কৃতে

বিপ্রগণ এই ভাষা জানে,

পূজার্চনার ভার সে কারণ

পান তাঁহারা দেবস্থানে।

“মুকুন্দং সচ্চিদানন্দং”

পড়েনি যে কভু ভুলে,

“যথা জ্ঞানং করবানি”

ব'লে নিচ্ছে এ ভার তুলে!

কাঠামোটা গড়ে ছুতোর,

মৃতি গড়ে কুস্তকারে,

ডোমের ডালা তাও লাগে মা,

তোমার পূজোর উপচারে।

নৈবেদ্যাদি ভোগের জিনিস

চাষা তৈরী করে ক্ষেতে,

তবু তাদের যেতে মানা

জগদম্বার মণ্ডপেতে।

যদি বলো—মূল্য দিয়ে

এ সব দ্রব্য কিনেন তাঁরা,

তন্ত্রধারক দক্ষিণা নেন,

মন্ত্র কি মা মূল্য ছাড়া ?

পূজার বস্তু ব্রাহ্মণে নেয়

ভক্ত বাড়ীর বস্তু সমেত

(বলে) “দেব-বস্তুন্ দ্বিজায় দদ্যৎ

অগ্রথা নিষ্ফলং ভবেৎ ॥”

পূজার সময় ঘৃণা ভেবে

ছুবি ছুবি বলেন যারে—

বিজয়ার দিন প্রতিমা তো

চাপান কিন্তু তাদের ষাড়ে।

নিষ্মাণেতে নাই মা বাধা,

আপত্তি নাই বিসর্জনে।

মধ্যে কেবল শূদ্র ক্ষুদ্র,

অবহেলার বিষ অর্জনে ॥

যদি বলো— উঁচু নিচু

গুণ-কর্ম-বিভাগেতে ;

এ আইন মা সবাই মানি,

আপত্তি মা নাইতো এতে।

উৎকোচও খান উপরি ব'লে,

কিংবা কুসীদ-বাবসায়ী—

কাম্বাল-পীড়ন ব্যবসা যাদের

কর্ম জন্ত নন কি দায়ী ?

মাংস চর্মে বেচে ব'লে

ঘৃণা জাতি চামার কসাই,

জ্যান্ত বেটার মাংস বেচে

রবেন চির ঠাকুর মশাই!

হীন কর্মের কর্মী যত

এরা তো তোর সবাই চেনা,

গুণ-কর্ম আইনেতে

ষাড়ে ধ'রে নামিয়ে দেনা।

আমার দোষে ? যে দণ্ড হয়

দে মা নেবো বক্ষ পাতি,

সমদর্শী না হ'লে মা,

বলবো তো'রে পক্ষপাতী।

জগদম্বা নামটি তোমার,

ব্রাহ্মণাষা নও তো তুমি—

দূরে হ'তে এই নিবেদন

করি রাঙা চরণ চুমি।

অবশেষে আপোষ হ'ল

প্রায় দুই বছর যাবৎ সাগরদীঘি থানার অন্তর্গত মালিয়াডাঙ্গা গ্রামে প্রাথমিক স্কুল প্রতিষ্ঠা নিয়ে বিবদমান দুই দলের মধ্যে যে ঘোরতর বিরোধ চলে আসছিল, তা গত ৩০/৮/৭২ তারিখে মোঃ মোহরাব, আজিজুর রহমান, জহুরুল আলম, সতানারায়ণ ব্যানার্জী, নূসিংহ মণ্ডল প্রভৃতি নেতৃবৃন্দের হস্তক্ষেপের ফলে উভয় দলের আপোষ মীমাংসা হয়ে গেল। ঘটনার বিবরণে প্রকাশ, উক্ত গ্রামে কোন প্রাইমারী স্কুল না থাকায় উভয় পক্ষই একটি করে দুইটি বিদ্যালয় স্থাপন করে এবং বিদ্যালয়ের জমি একই দিনে জেলা-স্কুল-বোর্ড কর্তৃপক্ষকে রেজেষ্ট্রী করে দেয়।

এতদিন ধরে জেলা স্কুল বোর্ড কোন স্কুলকেই মঞ্জুর করতে পারেনি, কারণ কোন পক্ষই তাদের স্বীয় স্কুল ছাড়তে চায় না—অথচ দুইটি বিদ্যালয় তো আর মঞ্জুর করা যায় না। এইভাবে বিবদমান দুই দলের অবশেষে আপোষ মীমাংসা হল এবং নির্দ্ধারিত হল যে, কোন পক্ষের স্কুলকেই মঞ্জুর করা হবে না—তৃতীয় কোন ব্যক্তির স্থানে স্কুল স্থাপন করতে হবে এবং উক্ত জমি জেলা-স্কুল-বোর্ডকে রেজেষ্ট্রী করে দিতে হবে। আর যে দুইটি স্কুল এতদিন পরিচালিত হচ্ছিল তাদের মধ্যে তিনজন শিক্ষককে চাকুরী দেওয়া হবে এবং বহিরাগত (জঙ্গিপুৰ) একজন শিক্ষককেও ঐ স্কুলে নিয়োগ করা হবে।

স্কুলটিকে মঞ্জুর করার ব্যাপারে গত ২০/৭/৭২ তারিখে জেলা স্কুল বোর্ডের মিটিং-এ বিষয়টি পাশ হয়ে যায়। এবং উহা ডি পি-আই মহাশয়ের নিকট অনুমোদনের জন্ত পাঠান হয়। আশা করা যায়, পূজার পরেই স্কুলটি চালু হয়ে যাবে।

কৈলাস সমাচার

শ্ৰীশিবানুজ বন্দ্যোপাধ্যায় কর্তৃক সংগৃহীত

কৈলাসে মহাধুম। পশ্চিম বাংলার সন্তানগণের আমন্ত্রণ, বেতার মারফৎ কৈলাসে পৌঁছিয়াছে। কৈলাসের বেতার-যন্ত্রে দিবাত্রা শোনা যাইতেছে বঙ্গ সন্তানদের আवाहन, “এসো মা দুর্গতিনাশিনী, অন্নপূর্ণা, শিবজয়া। মা, মহানন্দে পুত্রকন্যাগণসহ যাত্রার জন্ত প্রস্তুত হইতেছেন। সকলে মিলিয়া আপন আপন প্রয়োজনীয় দ্রব্যসামগ্রী সম্বন্ধে পেটিকাজাত করিতে বাস্তু। মাতা এক পাশে বসিয়া সেই কক্ষের তদারক করিতেছেন। এমত সময় কৈলাসপতি মহাদেব, নন্দীভূঙ্গীসহ তত্র প্রবেশ করতঃ দেবীকে কহিলেন—হে মহাদেবী, এ বৎসর পশ্চিমবঙ্গে গমন স্থগিত রাখিয়া, চল নবীন “বাংলাদেশে” গমন করি। প্রতি বৎসরই তো পশ্চিমবঙ্গে যাইতেছি, এ বৎসর না হয় নবীন “বাংলাদেশ” দর্শন করিয়া আসি।” দেবী দশভূজা বিম্বিত হইয়া উত্তর দিলেন হে দেবাদিদেব, এ কি কথা কহিতেছেন। পশ্চিমবঙ্গের সন্তানগণ আমার আগমন প্রতীক্ষায় উন্মুখ হইয়া রহিয়াছে, আমি মা হইয়া কিরূপে তাহাদিগকে বঞ্চিত করিয়া অগ্রত দেশভ্রমণে যাইতে পারি? বিশেষতঃ গত ২৪ বৎসর পূর্ব-বাংলা আমাকে একদিনের তরেও স্মরণ করে নাই; তত্পরি ঐ স্থান সম্পূর্ণভাবে হিন্দু দেবদেবীদের অগম্য ছিল, সেক্ষেত্রে ভালরূপে অনুসন্ধান না করিয়া ঐ স্থানে গমন করাও আমাদের পক্ষে অমঙ্গলজনক হইতে পারে। হে মহাদেব, পুত্রকন্যাদের কথা চিন্তা করিয়া আমি আপনাকে এ কার্যে বিরত হইতে অনুরোধ জানাইতেছি।”

মহাদেব স্মিতহাস্তে কহিলেন—দেবী, সেস্থান সম্বন্ধে অনুসন্ধান না করিয়াই কি আমি তোমার নিকট ঐ স্থানে গমনের প্রস্তাব করিয়াছি। বর্তমানে নবীন ‘বাংলাদেশ’ ঐশ্বামিক সভ্যতার গৌড়ামি পরিত্যাগ করিয়াছে। তাহারা জন্মভূমিকে “মা” বলিয়া ডাকিতে শিখিয়াছে। সেখানের হিন্দু-সন্তানদের আস্থা ফিরিয়া আসিয়াছে। সে কারণে হিন্দু সন্তানদের মনোবাঞ্ছা পূরণের জন্তও আমাদের তত্র গমন একান্ত কর্তব্য। অতএব আমার অনুরোধ চল আমরা এ বৎসর তথায় গমন করি।” মহাদেবের বাক্যে দেবী কিয়ৎক্ষণ মৌন হইয়া চিন্তা করিলেন এবং পরে কহিলেন—“হে দেব, আপনার প্রস্তাবে সম্মতি দেওয়া এখন আর সম্ভব নহে। কেন না পূর্বাচ্ছেই আমি আমার গমন বার্তা পশ্চিমবঙ্গে প্রেরণ করিয়া দিয়াছি। এখন তথায় গমন স্থগিত রাখা কোনক্রমেই সম্ভব নহে। যাহা হউক পুত্রকন্যাদের মতামত গ্রহণ করা হউক। তাহারা যাহা বলিবে তাহাই হইবে।” মহাদেব দেবীর বাক্যে সম্মতি জানাইলে, দেবী পুত্রকন্যাদের আহ্বান করিলেন ও তাহাদের মতামত ব্যক্ত করিতে আদেশ দিলেন। তাহারা যে যাহা উত্তর দিল তাহা নিম্নে প্রদত্ত হইল :—

কার্তিক—হে দেবাদিদেব, আপনি বৃদ্ধ হইয়াছেন। তত্পরি চিরকালই আপনি আধুনিকতার বিরোধী। পোষাক-আশাক ও প্রসাধনের কোনরূপ ধার ধারেন না। আপনার পক্ষে যাহা গ্রহণযোগ্য, আমাদের পক্ষে

সকল সময় তাহা গ্রহণযোগ্য নাও হইতে পারে। “বাংলাদেশ” সবেমাত্র স্বাধীন হইয়াছে, এখনও সে আধুনিক যুগে প্রবেশ করিতে সক্ষম হয় নাই। সংস্কৃতির দিক হইতে সে এখনও রবীন্দ্র যুগের মধ্যই হাবুডুবু খাইতেছে, রবীন্দ্রোত্তর যুগে তাহার যাত্রা শুরু হয় নাই। আর পশ্চিম বাংলা আধুনিকতায় আজ ইউরোপ ও আমেরিকার সমতুল্য। আমাদের গ্রায় আধুনিক যুবকদের পক্ষে পশ্চিমবঙ্গে গমনের স্বযোগ পরিহার করিয়া “বাংলাদেশে” গমন বুদ্ধিমত্তার পরিচায়ক নহে। সে কারণে আপনার প্রস্তাব গ্রহণে আমার ইচ্ছা নাই।

গণেশ—হে পিতা, আপনি তো সর্বজ্ঞ। আপনি ভালরূপেই অবগত আছেন যে আমার পরমপ্রিয় ভক্তগণ পশ্চিমবঙ্গের রাজধানী কলিকাতা বিশেষ করিয়া “বড়বাজার” আলো করিয়া বসিয়া আছে। তাহাদের আহ্বান আমার কাছে দুর্লভ। আমার সেই প্রিয় ভক্তগণ এখনও শত চেষ্টা করিয়াও “বাংলাদেশে” প্রবেশাধিকার পায় নাই। সেক্ষেত্রে ভক্তজন সঙ্গ পরিত্যাগ করিয়া ভক্তহীন বাংলাদেশে আমার পক্ষে গমন করার কোন অর্থই হয় না। আপনি আমাকে ক্ষমা করুন, আপনার প্রস্তাব আমি গ্রহণ করিতে অক্ষম।

লক্ষ্মী—হে জগৎপিতা, আমার তো পশ্চিমবঙ্গেই যাইতে রড় একটা ইচ্ছা হয় না। মায়ের অনুমতি পাইলে আমি মহানন্দে আমেরিকায় পাড়ি জমাইতাম। সেখানে লক্ষ্মীমন্তেরা জানে আমার কি করিয়া সমাদর করিতে হয়। পশ্চিমবঙ্গের গণেশ-ভক্তেরা যেটুকু বা সমাদর করে, যদি বাংলাদেশে গমন করি তবে তাহাদের নিকট সেটুকু সমাদরও পাইব কিনা সন্দেহ। সে কারণ তাহারা সম্পূর্ণভাবে লক্ষ্মীমন্ত না হওয়া পর্যন্ত তথায় গমন আমার নিকট সম্পূর্ণ অর্থহীন।

সরস্বতী—হে কৈলাসপতি, বর্তমানে পশ্চিমবঙ্গ শুধু যে মাতার সঙ্গে গমনেই আমার সমাদর করে তাহা নহে, আমার পূজা চলে ঘরে ঘরে, পাড়ায় পাড়ায়, মণ্ডপে মণ্ডপে। বিশেষ করিয়া পূজামণ্ডপে হিন্দু গানের স্তম্ভুর চটুল সুর মাইক মাধ্যমে শ্রবণ করিয়া আমার শ্রবণেন্দ্রিয় এতই অভাস্ত হইয়া পড়িয়াছে যে ‘বাংলাদেশে’র বর্তমান বাংলা গান আমার মোটেই স্তম্ভুর মনে হয় না। বিশেষতঃ পশ্চিমবঙ্গের সঙ্গীত-চর্চা বর্তমানে উন্নত মানের। তাহাদের সুর দেশী বিদেশী নানান সুরের সংমিশ্রণে এক অপূর্ব সুরমূর্ছনায় সমৃদ্ধ হইয়াছে। সেই সুর আমারও শিক্ষণীয়। এমতাবস্থায় “বাংলাদেশ” গমন করিয়া আমি শিক্ষালাভের স্বযোগ হইতে বঞ্চিত হইতে ইচ্ছা করি না। সে কারণ আপনার প্রস্তাব আমার নিকট গ্রহণযোগ্য নহে।”

সকলের মতামত শুনিয়া দেবী মহাদেবকে কহিলেন—হে জগৎপতি, বর্তমান যুগ, গণতন্ত্রের যুগ। অতএব গরিষ্ঠ মতামতের ভিত্তিতে আপনার প্রস্তাব বাতিল বলিয়া গণ্য হইল। তবে যদি ইচ্ছা করেন তবে আপনি স্বয়ং, নন্দীভূঙ্গীকে লইয়া “বাংলাদেশে” যাইতে পারেন, কিংবা কৈলাসেও অবস্থান করিতে পারেন।”

মহাদেব তাহা প্রস্তাব বাতিল হওয়ায় রাগতভাবে স্থান ত্যাগ করতঃ ধ্যানমন্দিরে প্রবেশ করিয়া ধ্যানস্থ হইলেন।

দেবী এইবার কোন্ যানে গমন করিবেন তাহা নিৰ্দ্ধারণ করিতে সচেষ্ট হইলেন। প্রথমে নৌ-যানই তাঁহার বাঞ্ছনীয় মনে হওয়ায়, মাতা ভাগীরথীকে আবাহন করিয়া যান প্রস্তুত করিতে নিৰ্দেশ দিলেন।

ভাগীরথী আগমন করিয়া দেবীর সম্মুখে করবোধে নিবেদন করিলেন— হে মাতঃ, এ বৎসর বৃষ্টিপাত একেবারে না হওয়ায় আমার গৰ্ভ জলশূন্য, নৌ-যান চলাচলের অল্পযুক্ত। দেবী অল্পগ্রহ করিয়া আমার অক্ষমতা মাৰ্জনা করিয়া অল্প যানের ব্যবস্থা করুন।

দেবী, গজপতি ঐরাবতকে আহ্বান করিয়া তাহাকে মৰ্ত্ত্যে বাইতে আদেশ করিলে, গজপতি কহিলেন—মাতঃ, আপনার আদেশ আমার শিরোধার্য। কিন্তু বৰ্ত্তমানে পশ্চিমবঙ্গের দুর্দশা বর্ণনাশীত। খরা পরিস্থিতিব জন্ত পশ্চিমবঙ্গ সম্পূর্ণ শস্যহীন। অত্যাগ রাজ্য হইতে ভিক্ষা আসিতেছে তবেই তাহার সন্তানদের উদরপূৰ্ত্তি হইতেছে। অতএব তাহাদের পক্ষে আমার “হাতির খোরাক” সংগ্রহ করা সম্ভব নহে। সে কারণে আমার অনুরোধ, দেবী তাঁহার আদেশ প্রত্যাহার করুন।”

অবশেষে দেবী অশ্বরাজ উচ্চৈঃশ্রবাকে আদেশ করিলে উচ্চৈঃশ্রবা সম্মত হইলেন।

দেবী ঘোটকপৃষ্ঠে আরোহণ করিয়া যাত্রায় প্রস্তুত হইলেন। কার্তিক-গণেশ প্রভৃতি নিজ নিজ বাহনে আরোহণ করিলেন। এমন সময় কৈলাস বেতारे পাখিব সংবাদ ভাসিয়া আসিল—“ভূগাপূজায় সরকারের বিনা অনুমতিতে চাঁদা আদায় আইনতঃ দণ্ডনীয় হইবে। ভীতি প্রদর্শন করিয়া বা জোরজুলুম করিয়া চাঁদা আদায়কারীকে গ্রেপ্তার করা হইবে।”

দেবদেবীগণ ঐ সংবাদে বিস্মিত হইয়া পরস্পর পরস্পরকে অবলোকন করিতে লাগিলেন। তাঁহাদের দীর্ঘশ্বাস আকাশে ভাসিয়া উঠিল। সকলেই এ বৎসর সমাদরের ঘাটতি হইবে চিন্তা করিয়া উৎকণ্ঠিত হইয়া, “বাংলাদেশে” যাইতে মনস্থ করিয়া মহাদেবের ধ্যানমন্দিরের পথে অগ্রসর হইলেন।

সব কি বলা যায়? বলাও ত দায়

ফরাক্কা, ২ অক্টোবর—গত ৪ অক্টোবর কোলকাতা থেকে কামৰূপ এক্সপ্রেসে আসামের জন্ত প্রেরিত প্রায় দু'লক্ষ টাকা মূল্যের দামী কাপড়-চোপড়ের গাঁট খোয়া যায় নিউ ফরাক্কা জংশন ষ্টেশনের অনতিদূরে। সেখান থেকে দুষ্কৃতকারীদের মোটা অংকের চোপ ফেলে বারহাৰোয়ার এক নামী বস্ত্র-ব্যবসায়ী টাক যোগে কাপড়ের গাঁট পাচার করে কিন্তু রিলে প্রথায় পুনঃ পাচারের সময় বিহার পুলিশের হাতে ধরা পড়ে। তবে দেড় লক্ষ টাকার। খবরের স্ত্রু ধরে ছমকার ডি, এস, পি এই অভিযান পরিচালনা করেন। মালকাটা দুষ্কৃতকারীদের সন্ধান এখনো মিলেনি।

ঘরের খবর পরের মুখে শুনে এখানকার উৎসুক জনতা প্রশ্ন তুলেছেন, “তবে ফরাক্কার পুলিশ কি করে? এর উত্তর সংশ্লিষ্ট দফতরে পাবেন। কেন না, সেই মজাদার ফটুকি, যা ছশিয়ার লোকেরা বলেন ‘বলি তো মা মার খায়, আর না বলি তো বাপ কুত্তা খায়’।”

থোকগর জন্মের পর..

আমার শরীর একবারে ভেঙ পড়ল। একদিন ঘুম থেকে উঠে দেখলাম সারা বামিশ ভর্তি চুল। তাড়াতাড়ি ডাক্তার বাবুকে ডাকলাম। ডাক্তার বাবু আশ্বাস দিয়ে বলেন—“শারীরিক দুর্বলতার জন্য চুল ওঠে।” কিছুদিনের যত্নে যখন সেরে উঠলাম, দেখলাম চুল ওঠা বন্ধ হয়েছে। দিদিমা বলেন—“ঘাবডাসনা, চুলের যত্ন নৈ,



দু'দিনেই দেখবি সুন্দর চুল গজিয়েছে।” রোজ দু'বার করে চুল আঁচড়ানো আর নিয়মিত স্নানের আগে জ্বাকুসুম তেল মালিশ শুরু করলাম। দু'দিনেই আমার চুলের সৌন্দর্য ফিরে এল।

জ্বাকুসুম

কেশ তৈরী

সি. কে. সেন এণ্ড কোং প্রাঃ লিঃ
জ্বাকুসুম হাউস • কলিকাতা-১২



KALPANA, J.K. 848

বাল্যায় আনন্দ

এই সেরোসিন স্ফারটর অভিব্যক্তি
রন্ধনের সীতি দূর করে রন্ধন-প্রক্রিয়া
এনে দিচ্ছে।
রন্ধনের সময়ও আপনি বিপ্রানের সুযোগ
পাবেন। করলা ভেঙে উনুন ধরাবায়

পরিমিত বেট, অবাধ্যকন বেয়া ক
পাকার করে করে কুলও পাবে না।
ভট্টলতাইন এই স্ফারটর পক্ষ
অবসার এপালী ব্যপনাকে উচ্চ
মেয়ে।

- ঘুলা, ধোয়া বা বঙাটাইন।
- বহুমুলা ও সম্পূর্ণ নিরাপত্তা।
- যে কোনো অংশ সহজলভ্য।



খাস জনতা

কে স্নোসিন স্ফারট

রন্ধন সহজলভ্য •  বিপণনকারী

বি ও রি সোসাল সেটাল ইত্যাদি প্রাইভেট লিঃ
৭, জলদায় ষ্ট্র, কলিকাতা-১২

আজই
সঞ্চয় করুন

স্বল্প সঞ্চয় শ্ৰেণী
আরও বেশি সুযোগ সুবিধা ঘোষণা

আয়
বৃদ্ধি করুন

জানুয়ারী '৭১ থেকে কয়েকটা আমানত সুদের হার আগের থেকে বেড়েছে। নতুন সিকিউরিটি-
অধিকতর লাভ-পছন্দসই লগ্নীর উপায় বৃদ্ধি আকর্ষণীয় কর রেহাই-সময়সীমা হাস।

নতুন সার্টিফিকেট

ক। (১) ৭ বছর মেয়াদী জাতীয় সঞ্চয় সার্টিফিকেট (২য় পর্যায়)

মূল্যমান ১০, ১০০, ১০০০, ৫০০০ টাকা। আয়করমুক্ত সুদের হার বার্ষিক শতকরা ৫% অর্থাৎ মেয়াদ অন্তে ১০০ টাকার
সার্টিফিকেটে পাওয়া-যাবে ১৪১ টাকা।

(২) ৭ বছর মেয়াদী জাতীয় সঞ্চয় সার্টিফিকেট (৩য় পর্যায়)

মূল্যমান ১০০, ১০০০, ও ৫০০০ টাকা। আয়করমুক্ত সুদ ৫% হারে প্রতি বছর দেওয়া হবে এবং মেয়াদ অন্তে আসল টাকা
ফেরত দেওয়া হবে।

(৩) ৭ বছর মেয়াদী জাতীয় সঞ্চয় সার্টিফিকেট (৪র্থ পর্যায়)

মূল্যমান ১০০, ১০০০ ও ৫০০০ টাকা। ১৫ই জানুয়ারী '৭১ থেকে সুদ ৭% হারে প্রতি বছর দেওয়া হবে এবং আসল টাকা
মেয়াদ অন্তে ফেরত দেওয়া হবে কেবলমাত্র ব্যক্তির নামে কেনা যাবে এবং ক্রয়সীমা নির্ধারিত নাই। উল্লিখিত তিনটি
সার্টিফিকেটই কেনার তিন বছর পরে অথবা ক্রেতার মৃত্যু হলে এক বছর পরেই ভাঙ্গানো যাবে।

খ। অন্যান্য স্বল্প সঞ্চয় পরিকল্পনা প্রদত্ত বিশেষ সুযোগ সুবিধা

(১) পোস্ট অফিস টাইম ডিপজিট (১ বছর, ৩ বছর ও ৫ বছর মেয়াদী)

(২) পোস্ট অফিস রেকারিং ডিপজিট (৫ বছর মেয়াদী)

(৩) পোস্ট অফিস সেভিংস ব্যাঙ্ক অ্যাকাউন্ট

(৪) ক্রমবর্ধমান নির্দিষ্ট মেয়াদী জমা (৫, ১০ ১৫ বছর মেয়াদী)

গ। ১৫ বছর মেয়াদী পাবলিক প্রভিডেন্ট ফান্ড অ্যাকাউন্ট

বিশদ বিবরণের জন্য পত্রালাপ বা সংযোগ করুন পশ্চিমবঙ্গ স্বল্প সঞ্চয় অধিকার, অর্থ বিভাগ, রাইটার্স বিল্ডিংস, কলিকাতা-১ আঞ্চলিক
অধিকর্তা, জাতীয় সঞ্চয় সংস্থা, হিন্দুস্থান বিল্ডিংস কলিকাতা-১০ জেলাতে জেলা সঞ্চয় সংগঠক অথবা নিকটবর্তী ডাকঘরের পোস্ট মাষ্টার
অথবা ক্ষমতাপ্রাপ্ত এজেন্টের সঙ্গে।